

《鼎建铜城关王庙记》(明正德十一年(1446年)立)

(碑高2.55米，宽0·9米，厚0·2米，碑座长1·5米，高0·5米，宽0·77米)

“铜城东，天尊堂之右，有祠一所，汉关羽云长之官也。真神生自蒲州解良，享蜀，威震华夏。卒葬于玉泉山。人德之，祀以为神。著绩于宋祥符七年解州盐池。受敕封义勇武安王。

国朝洪武之二十年，城铜山，以防倭寇，刻像祀之，以护官兵。官兵赖之。后官使往来之络绎，与夫祈者、赛者、问吉凶多，须臾聚可数十人，而不能以容，人咸病其隘。亦有喜施者，欲辟之，又以工

望浩大，艰于济。正德戊辰岁正月，云霄吴公子约避寇于铜，同铜善士黄公宗继等九人，募众资财崇建之。遂卜旧祠右之空地，是年正月初七日辛卯土木聿兴，阅至壬申年二月初二日丁丑落成。庙之地势，龙盘虎踞，水秀山明；庙之壮观，翚飞鸟革，矢棘跋翼；庙之定制，纵袤百二十尺，横广五十尺；庙之规模，王官巍巍，廊庑缦回，阶级峻绝，中肃闔门，外高华表，傍则僧舍真然，非昔日之旧矣！是以祈者颂，赛者歌，游玩者乐，问吉凶者赞美，官使停骖者便忘忘。虽古滕王阁，莫是过也。愚也素恶世之崇祀无益。而此数公，开诚心昭义勇，不惮艱险，不恤小费，督就是庙。又能节财，创买鱼庵一联于蔡福施庵之右，坐址三峙。则非特庙成、孔安已也。允宜立碑，纪其终始，以告夫后，庙之所以成，非欲自为记尔。吴公讳瀚字子经，金浦云霄人也；黄公讳孙字宗继，方公讳魁字廷元，游公讳旭字日初，黄公讳文字宗能，方公讳聪字肃敏，方公讳播字体扬，林公讳旺字道济，唐公讳仁字孟岳，武公讳因字守为，铜人也。于是乎为之记云。

大明正德十一年龙集丙子孟夏朔后六日，武庠生黄玉国宝书丹篆撰。

住持僧：月堂

木刻匾额：“万世人极”（清咸丰帝书）

石刻匾额：“与天地参”

木刻匾额：“追源竭祖”（台湾高雄文卫殿赠）